



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo, Decano, & Capitulo Parisiensi.

urn:nbn:de:hbz:466:1-20006

dertinam transivit Ecclesiam, & in ea tanquam Archiepiscopus ministravit. Postmodum autem ad Farensem accedens Ecclesiam, cepit de substituendo sibi in eandem Ecclesiam pastore tractare, volens in eam intrudere M. Diaconum Ecclesiae Iadertinae, Principem terrae alium ibidem intrudere moliente. Propter quod Clerus & populus Farenfis convenientes in unum, credentes dictum Episcopum ad Iadertinam Ecclesiam auctoritate sedis apostolicae transivisse, dictum M. in pastorem concorditer elegerunt, & electionem factam dilectis filiis Spalat. Capitulo praesentantes, eam confirmari obtinuerunt, & electum suum per * Suffraganeum Spalat. Ecclesiae consecrari. Postmodum autem praefatus N. Farenfis Episcopus a nobis ad venerabiles fratres nostros Polensem, Absalensem, & Arbensem Episcopos literas impetravit, a quibus licet propter causam suspicionis idem Episcopus appellasset, ipsi nihilominus, sicut * & fuit in via suggestum, excommunicationis sententiam protulerunt. propter quod ipsum ad sedem apostolicam venientem fecimus ad majorem cautelam absolvi. Constitit autem nobis quod licet dictus N. postulatus fuerit in Ecclesiam Iadertinam, postulatio tamen ejus nondum fuit per sedem apostolicam approbata. Suggestum etiam nobis fuit per literas & nuntios ejus quod cum Iadertum, unde oriundus fuerat, ad domum propriam accessisset, & in Iadertina Ecclesia non tanquam Archiepiscopus sed tanquam Archidiaconus ministraret, dictus M. in locum viventis irrepit, & in Farensem Ecclesiam temere se permisit intrudi. Propter quod de mandato nostro per memoratos Episcopos excommunicationis fuit vinculo innodatus. Quia verò, si ve memoratus Episcopus temere transiverit ad Ecclesiam Iadertinam, si ve ipsam tanquam ipsius Archidiaconus visitavit ante quam Farenfis Ecclesia fuisset ab eo auctoritate sedis apostolicae absoluta, per electionem canonicam alium sibi Episcopum non poterat copulare; eadem Episcopo dedimus in mandatis ut a Farenfi Ecclesia omnino recedat, nec se nominet Farensem Episcopum, sed ad Spalat. Canonicam, unde assumptus fuerat, si voluerit, revertatur. Quia verò Farenfis Ecclesia, justo forsitan errore decepta, credens videlicet Episcopum ad Iadertinam Ecclesiam de mandato Ec-

clesiae Rom. transisse, in hunc contulic sua vota, & ipse occasione simili circumventus consensit in eam; discret. vestrae per ap. scripta mandamus quatenus subl. app. obst. inquiratis diligentius veritatem, si praefatus N. Farenfis Episcopus postulationem suam asseruit per sedem apostolicam approbatam, si ad Iadertinam Ecclesiam omnino transivit, si in ea se habuerit ut electus, si de substituendo sibi pastore in Ecclesia Farenfi tractavit, ut de his & aliis per literas vestras certiores effecti, melius in ipso negotio procedamus. Quod si omnes his exequendis nequiveritis interesse, duo vestrum ea nihilominus exequantur. Datum Laterani IV. Idus Iulij, pontificatus nostri anno secundo.

CAPITULO SPALATENSIS.

Innocentius Episcopus servus servorum Dei dilectis filiis Capitulo Spalatensi salutem & apostolicam benedictionem. Cum venerabilis frater noster M. dictus Farenfis Episcopus venerabilem fratrem nostrum N. Farensem Episcopum asserentem postulationem suam esse per sedem apostolicam approbatam transisse proponat ad Ecclesiam Iadertinam, & in ea ut Archiepiscopum ministrasse, & in Farenfi Ecclesia alium sibi substituere voluisse, se verò ad Farenfis Ecclesiae regimen fuisse illo transeunte vocatum, praefatus verò N. Episcopus ad civitatem Iadertinam, unde fuerat oriundus, non transivisse sed accessisse proponat, & in ea se non ut Archiepiscopum sed Archidiaconum ministrasse, ac dictum M. Farensem se in Ecclesia Farenfi fecisse intrudi, & nos inquisitionem horum duxerimus committendam, sollicitè volumus praecavere ne interim in eadem Farenfi Ecclesia aliquid in spiritualibus vel temporalibus detrimentum incurrat. Ipsam ergo vestrae sollicitudini committentes donec aliud statuamus, discretioni vestrae per apostolica scripta mandamus quatenus taliter ipsi providere curetis quod occasione controversiae hujus aliquod dispendium non incurrat. Datum Laterani II. Idus Iulij, pontificatus nostri anno secundo.

EPISCOPO, DECANO,
& Capitulo Parisiensi.

Innocentius Episcopus servus servorum Dei venerabili fratri Episcopo & Yyy ij

Epist. 300.
De eodem articulo.
gumento.

Epist. 301.
Confirmatur
compositio iure

ra inter Archidiaconum Parisiensem & Abbatissam de Calca-

dilectis filiis Decano & Capitulo Parisiensi salutem & apostolicam benedictionem. Cum à nobis petitur quòd iustum est & honestum, tam vigor æquitatis quam ordo exigit rationis ut id per solitudinem officij nostri ad debitum perducatur effectum. Eapropter vestris iustis postulationibus inclinati, compositionem factam inter dilectum filium Mauricium Archidiaconum Ecclesie vestrae & dilectas in Christo filias Emelinam Abbatissam & Conventum * Scallensis Ecclesie super procuracione ipsius Archidiaconi & quibusdam gravaminibus quae ipsae ab eo sibi & suae illata Ecclesie asserebant, sicut rationabiliter & sine pravitate facta est & ab utraque parte recepta, ratam habemus, & auctoritate apostolica confirmantes, praesentis scripti patrocinio communimus. Decernimus ergo ut nulli omnino hominum liceat hanc paginam nostrae confirmationis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei & beatorum Petri & Pauli Apostolorum ejus se noverit incursum. Datum Laterani Kalendis Septembris, pontificatus nostri anno secundo.

* Calensis

CONSTITUTIO PRO IUDÆIS.

Epist. 302.
Vide cap. Sicut
Iudæis. De Iudæis.

Licet perfidia Iudæorum sit multipliciter improbanda, quia tamen per eos fides nostra veraciter comprobatur, non sunt à fidelibus graviter opprimendi, dicente Propheta, *Ne occideris eos, ne quando obliviscantur legis tuae*, ac si diceretur apertius: *Ne deleveris omnino Iudæos, ne forte Christiani legis tuae valeant oblivisci, quam ipsi non intelligentes, in libris suis intelligentibus representant.* Sicut ergo Iudæis non debet esse licentia in Synagogis suis, ultra quam permixtum est lege, praesumere, ita in his quae sunt illis concessa, nullum debent praesudicium sustinere. Nos ergo, licet in sua magis velint duritia perdurare quam vaticinia Prophetarum & legis arcana cognoscere atque ad Christianae fidei notitiam pervenire, quia tamen nostrae postulanti defensionis auxilium, ex Christianae pietatis mansuetudine, praedecessorum nostrorum felicitatis memoriae Calixti, Eugenij, Alexandri, Clementis, & Celestini Romanorum Pontificum vestigiis inhaerentes, ipsorum petitionem admittimus, eisque protectionis nostrae clipeum indulgemus. Statuimus enim ut

nullus Christianus invitos vel nolentes eos ad baptismum per violentiam venire compellat, sed si eorum quilibet sponte ad Christianos fidei causa confugerit, postquam voluntas ejus fuerit patefacta, sine qualibet efficiatur calumnia Christianus. Veram quippe Christianitatis fidem habere non creditur qui ad Christianorum baptismum non spontaneus sed invitus cognoscitur pervenire. Nullus etiam Christianus sine potestatis terrae iudicio personas eorum nequiter laedere vel res eorum violenter auferre praesumat, aut bonas quas hactenus in ea, in qua habitant regione, habuerint, consuetudines immutare. Praeterea in festivitatum suarum celebratione quiscquam fustibus vel lapidibus eos ullatenus non perturbet, nec aliquis ab eis indebita servitia exigere vel extorquere contendat, nisi ea quae ipsi praeteritis facere temporibus consueverunt. Ad haec, malorum hominum pravitati & avaritiae obviantes, decernimus ut nemo cœmiterium Iudæorum mutilare audeat vel minuere, sive obtentu pecuniae corpora effodere jam humata. Si quis autem decreti hujus tenore cognito temere, quod absit, contraire tentaverit, nisi praesumptionem suam condigna satisfactione correxerit, excommunicationis ultione plectatur. Eos autem duntaxat hujus protectionis praesidio volumus communiti qui nihil machinari praesumpserint in subversionem fidei Christianae. Dat. Laterani per manum Raynaldi Acherontini Archiepiscopi, Cancellarij vicem agentis, XVII. Kal. Octobris, Indictione secunda, incarnationis dominicae anno MCXCIX. pontificatus vero Domini Innocentij Papae tertij anno secundo.

ABBATI ET CONVENTUI
Vezeliacensi.

Innocentius Episcopus servus servorum Dei dilectis filiis Abbatibus & Conventui Virziliacensi salutem & apostolicam benedictionem. Licet is de cujus munere venit ut sibi à fidelibus suis dignè ac laudabiliter serviat, multo eis majora retribuatur quam valeant promereri, desiderantes tamen reddere Domino populum acceptabilem, ipsos ad bene servandum ei quasi quibusdam illectivis muneribus, indulgentiis scilicet & remissionibus, invitamus. Cupientes igitur ut monasterium vestrum, ubi venerandum corpus beatæ Mariæ Magdalena innu-

Epist. 301.
Concedit indulgentiam quadraginta dierum.